


HISPANIA NOVA TABVLA



Quarta additarum & sexta in ordine.



HAec tabula continet Hispaniam, quae terminatur ab ortu mari mediterraneo, ab occasu Oceano occidentali, a meridie fretu Herculeo, quod strictum zibelterrae dicitur, a septentrione Pyrenaeis montibus, qui eam a gallia segregant. Haec regio fuit ab antiquis in tres diuisa partes, in Beticam scilicet, Lusitaniam, & Tarraconam. at nunc Betica tres habet provincias: Granatam nempe, & eiusdem nominis ciuitatem Andaluziam, & Siuiliam ciuitatem, Extremaduram, & Meridam ciuitatem Augusta Emerita olim. Lusitania duas habet provincias Portugalliam, & ciuitatem Lisbonam, Oliosipon olim, Galiciam & Compostellum ciuitatem. Tarracona nouem possidet provincias, Aragonense regnum, & Saragosam ciuitatem, Casur augusta dicta olim, Nauarra regnum, & Pampalonam Urbem, Pamplon olim: Cataloniam & Barselonam ciuitatem, Barcinon olim. Bizcaiam, Cantabria olim, & Vilua ciuitate. Castiliam ueterem, & Burgos ciuitatem, Bramum olim. Castiliam nouam, & Toletum ciuitatem Leupuscham, & ciuitatem. S. Sebastiani, Easo olim. Valentia regnum, urbemq; valentiam. Murciae regnum, & Murciam ciuitatem. Praeter has multae sunt ciuitates insignes. Fluuij principales. 6 sunt in hispania, Migno, Minius olim, Duerus, Doria olim, Taio Tagus olim. Betis, Gualdaquibir hodie. Iberus, Ebronunc, & Guadiana. Episcopales, & Archiepiscopales multae reperiuntur ciuit. Insulae tres subiiciuntur regno Valentiae, Ieuiza, Maioricha, & Minoricha. Hispaniam autem, sic esse dictam putant, ab Hispalo eorum rege decimo, quemadmodum a Beto rege, Betica, a Luso rege, Lusitania, & ab Ibero. Iberus fluius dictus est. Hodie uero floridissima regio est, & multum in rebus bellicis ualet, & in re nautica. Ab Italis inuentus est nouus Orbis, ab eis complete cognitus, et acquisitus, & regi eorum subditus. Lusitani eorum navigationibus, totam Aphricam, Caecutum, aliasque insulas minime notas, cognouerunt. Castellani post primam, secundamque Christophori Columbi Ienuensis Clarissimi navigationem, & post cognitionem Americae, ab Americo Vesputio florentino traditam, Occidentem uersus, multas alias inuenerunt regiones, insulasq;: & ut uno uerbo dicam, totum se re circuerunt orbem. Traiectio ad occidentalem partem a castellanis, fit ab insula Caliz, Lusitani a multis Lusitaniae partibus iter soluunt Aphricam uersus. Latitudo Hispaniae a 36. usq; ad 45. gradus fere se extendit, scilicet 9 gradus est longitudo a 4. gradibus ad 19. fere scilicet 15. quasi gradus est. & hoc secundum neutericam obseruationem: aliter enim se habet antiqua longitudo.



5241/3

COLLECCAO DE MAPAS HABANIS FONDE 1227